

余出見之。廿四日己亥，彗星見，光長二丈許。廿五日庚子，頭仰云，東方彗星沒，復自二十三日又見西方。而天文道未舉奏，雖然，件由可載。宣命者，召少內記守光仰之，依大內記長光重服也。有巧文章之聞，故令作宣命也。○中略藏人木工頭範家來仰云：依懼彗星之變，欲行善政，可令申其事者。余頓首對云：以弱冠居三吏之任，夙興夜寢，莫不危懼。至朝夕趨拜之勤者，暫無所怠矣。如此之朝議者，不能計申。所以者，何勸古今之例，皆訪於古老賢才。臣一無之，為朝為家，為身可耻者歟。不受詔罪，無避願。陛下宥之。余又問云：此事被問誰々乎？對云：左大臣仁權大納言實行，同雅定左大將。同伊通，權中納言宗能皇太后大夫。前中納言顯賴，參議顯業左大辨式等也。○中略孔雀經法，今日可被結願歟。依彗星又見，延引云々。件法於院御所，仁和寺法親王法覺自去十日被行。五月三日戊申，參院依孔雀經法結願也。其賞以阿闍梨寬臺叙法眼。所請消星變，而其星雖消，又見西方。因之被延引其法。其後星不消，為法瑕，為宗耻。時人皆以嘲哂。法皇為休親王，歎賜賞云々。俗人名之謂星出賞。六日辛亥，為消彗星災。公家於法勝寺被行。千僧仁王經御讀經。去三日，權大納言宗輔卿定申僧。未刻參彼寺。先之法皇皇后渡御。余依足病不供奉，申刻還御。余自此退出。七日壬子，彗星光漸微細。但若被消月光歟。十二日丁巳，彗星猶見，但無光芒。十三日去八日其光薄細。九、十、十一三箇日天陰。今夕唯有星而已。無芒氣。師長云：先例芒氣盡時，星又不見。未知如此之例。十六日夜見之，光芒三許尺，以之思之。十二日依月近，其光不見乎。十六日依與月遠，其光見乎。十四、五日天陰不見。十六日辛酉，彗星又有光芒。廿日乙丑，彗星猶不消。孔雀經法仁和寺法親王又無其驗。弘法慈覺兩門，既墮地之世乎。嗟哀哉。六月七日辛巳，師安來云：去夜彗星不見。去月廿六日夜天晴，彗星見。其後每夜陰不知有無。去夜雖屬晴不見。此間大僧都定信於禁中。修仁王經法，可謂有驗者乎。先日大法等全無其驗。至仁王經時始乎。孔雀經無驗而有賞。仁王經有驗而無賞。猶丁公見戮雍齒得封矣。

〔百練抄近七衛〕久安二年十二月一日，彗星見坤方。